



# კანონთა და განკარგულებათა კრებული

ამიერკავკასიის სოციალისტური ფედერაციული საბჭოთა რესპუბლიკის  
მუშათა და გლეხთა მთავრობისა.

1928 წლის  
დეკემბრის 31.

№ 23

განყოფილება პირველი

ა/კფსრ სახალ. კომისართა  
საბჭოს საქმეთა მმართვე-  
ლობის მიერ გამოცემული.

შ ი ნ ა ა რ ს ი :

მუხ. 265. დადგენილება ამიერკავკასიის მე-IV მოწვევის ცენტრალური აღმასრულებელი კომიტეტის მე-IV სესიისა—ა/კფსრ ფინანსთა სახალხო კომისრის ამხ. მ. დ. ჰუსეინოვის მოხსენებისა და ამიერკავკასიის ცენტრალური აღმასრულებელი კომიტეტის საბიუჯეტო კომისიის თავმჯდომარის ამხ. ა. ნაზარეთიანის თანამოხსენების გამო „ა/კფსრ ერთიანი სახელმწიფო ბიუჯეტის შესახებ“

## დადგენილება ამიერკავკასიის მე-IV მოწვევის ცენტრალური აღმასრულებელი კომიტეტის მე-IV სესიისა.

**265.** ა/კფსრ ფინანსთა სახალხო კომისრის ამხ. მ. დ. ჰუსეინოვის მოხსენებისა და ამიერკავკასიის ცენტრალური აღმასრულებელი კომიტეტის საბიუჯეტო კომისიის თავმჯდომარის ამხ. ა. ნაზარეთიანის თანამოხსენების გამო „ა/კფსრ ერთიანი სახელმწიფო ბიუჯეტის შესახებ“.

ამიერკავკასიის მე-IV მოწვევის ცენტრალური აღმასრულებელი კომიტეტის მეოთხე სესიამ მოიხილა ა/კფსრ ფინანსთა სახალხო კომისრის ამხ. ჰუსეინოვის მოხსენება და ამიერკავკასიის ცენტრალური აღმასრულებელი კომიტეტის საბიუჯეტო კომისიის თავმჯდომარის ამხ. ა. ნაზარეთიანის თანამოხსენება „ა/კფსრ 1928/29 საბიუჯეტო წლის ერთიანი სახელმწიფო ბიუჯეტის შესახებ“ და იგი აღდგენს:

ა. ა/კსფსრ მთავრობის საფინანსო პოლიტიკა მთლად დადასტურებულ იქნეს.

ბ. დამტკიცებულ იქნეს ა/კსფსრ სახალხო კომისართა საბჭოს ა/წ. სექტემბრის 25-ს დადგენილებით მიღებულ ა/კსფსრ 1928/29 საბიუჯეტო წლის ერთიან სახელმწიფო ბიუჯეტში ამიერკავკასიის ცენტრალური აღმასრულებელი კომიტეტის საბიუჯეტო კომისიის მიერ შეტანილი შემდეგი ცვლილებიანი.

I. ა/კსფსრ 1928/29 საბიუჯეტო წლის ერთიანი სახელმწიფო ბიუჯეტის საშემოსავლო ნაწილში გადიდებულ იქნეს შემდეგი სახის შემოსავალი:

1) სარეწავი გადასახადი, რაც გამოანგარიშებულია თანახმად სსრკ-ის ცენტრალური აღმასრულებელი კომიტეტისა და სახალხო კომისართა საბჭოს მიერ 1928 წ. აგვისტოს 20-ს დამტკიცებული დებულებისა—სახელმწიფო სარეწავი გადასახადის შესახებ—37.200.000 მანეთამდე (93<sup>0</sup>/<sub>100</sub>).

2) საშემოსავლო გადასახადი—14.008.500 მანეთამდე (99<sup>0</sup>/<sub>100</sub>).

3) სათანადოდ შემცირებულ იქნეს ის თანხა, რომლითაც ხარჯი შემოსავალს აღემატება.

II. საგასავლო ნაწილში,—სსრკ-ის ცენტრალური აღმასრულებელი კომიტეტის მიერ ა/კსფსრ-ის 1928/29 საბ. წლის სახელმწიფო ბიუჯეტის საბოლოოდ დამტკიცების მიხედვით,—უზრუნველყოფილ იქნეს ამიერკავკასიის ცენტრალური აღმასრულებელი კომიტეტისა და ა/კსფსრ შედგენილებაში შემავალი რესპუბლიკების ცენტრალური აღმასრულებელი კომიტეტების ხარჯთაღრიცხვებით, ამა დადგენილების თანახმად სახალხო კომისარიატთა ხარჯებისათვის მიღებულ დანიშნულებათა ფარგალში,—20.000 მან. საბჭოთა ქვედა აპარატის მომუშავეთა ხელახალი მომზადებისათვის,—ამ თანხის შემდეგნაირად განაწილებით:

ა/კ. ცენ. აღმ. კ—ტის ხარჯთაღრიცხვით . . . . .	8.000 მან.
აზერბაიჯანის ცენ. აღმ. კ—ტის „ . . . . .	5.000 „
სომხეთის ცენ. აღმ. კ—ტის „ . . . . .	2.000 „
საქართველოს ცენ. აღმ. კ—ტის „ . . . . .	5.000 „

III. გადიდებულ იქნეს ა/კსფსრ 1928/29 წ. სახელმწიფო ბიუჯეტის ბალნის, რისთვისაც როგორც საშემოსავლო, ისე საგასავლო ნაწილში შეტანილ იქნეს 1.500.000 მან., რაც შეადგენს ა/კსფსრ ტერიტორიაზე ინდუსტრიალიზაციის მე-2 სესხის რეალიზაციის თანხების 10<sup>0</sup>/<sub>100</sub>-ს.

ბ. ზემოაღნიშნულ ცვლილებათა მიხედვით ა/კსფსრ 1928/29 წლის ერთიანი სახელმწიფო ბიუჯეტი დამტკიცებულ იქნეს შემდეგ თანხებად:

I. სახელმწიფო შემოსავლისა და გასავლის საერთო ჯამლით:	
შემოსავალი . . . . .	101.500.269 მან.
ხარჯი . . . . .	143.882.108 „
შემოსავალზე ხარჯის გადამეტება . . . . .	42.381.839 „

II. აღიძრას სსრკ-ის ცენტრალური აღმასრულებელი კომიტეტის წინაშე უშუამდგომლობა, რათა ა/კსფსრ 1928/29 საბიუჯეტო წლის ერთიანი სახელმწიფო ბიუჯეტით ნაწარმადე შემოსავალზე ხარჯის გადამეტება (42.381.839 მან.) დაფარულ იქნეს როგორც კავშირის მასშტაბით მიღებული საღერბო გადასახადის შემოსავლის საერთო თანხის ანარიცხებიდან, ისე სხვა საერთო-საკავშირო საშემოსავლო წყაროებიდან.

დ. აღიძრას სსრკ-ის ცენტრალური აღმასრულებელი კომიტეტის წინაშე  
შუამდგომლობა:

I. რათა ა/კსფსრ 1928-29 წლის სახელმწიფო ბიუჯეტში გადატანილ იქ-  
ნეს, ა/კსფსრ სახალხო კომისართა საბჭოს 1928 წლის სექტემბრის 25-ს დად-  
გენილების თანახმად, შემდეგი ხარჯი:

1) ა/კსფსრ შრომის სახალხო კომისარიატის ხაზით—შრომის დაცვისა და  
შრომის ბაზრების ღონისძიებათათვის, რაც წინა წლებში უზრუნველყოფილი  
იყო სოციალური დაზღვევის სახსარით,—124.158 მან.;

2) ა/კსფსრ ცენტრალური სტატისტიკური სამმართველოს ხაზით—ხარჯები  
საერთო-საკავშირო მნიშვნელობის გამოკვლევათა საწარმოებლად, რაც წინად  
უზრუნველყოფილი იყო სსრკ-ის ცენტრალური სტატისტიკური სამმართველოს  
სახსარით—160.000 მან.

II. ა/კსფსრ 1928-29 წლ. სახელმწიფო ბიუჯეტში შემდეგი ხარჯების მო-  
თავსების შესახებ:

1) ტყის მომუშავეთა მატერიალური მდგომარეობის გასაუმჯობესებლად,  
სსრკ-ის ცენტრალური აღმასრულებელი კომიტეტის ა/წ. აგვისტოს 8-ს დადგე-  
ნილების თანახმად (ოქმი № 59, მუხ. 7) და ა/კსფსრ სახალხო კომისართა  
საბჭოს ა/წ. ოქტომბრის 17-ს დადგენილების დასადასტურებლად—700.000 მან.

2) 1927-28 საბ. წელს ამიერკავკასიის სასოფლო-სამეურნეო ბანკისათვის,  
შრომისა და თავდაცვის საბჭოს 1928 წ. ივნისის 13-ს დადგენილების თანახ-  
მად, დეფიციტის დასაფარავად გადაცემული—800.000 მან. ასანაზღაურებლად.

მ. რადვანაც სტატისტიკისა, ვაჭრობის მოწესრიგებისა ლ მუშათა ლ გლეხ-  
თა ინსპექციის ორგანოების მომუშავეთა აწინდელი რაოდენობითი და თვისებითი  
შედგენილობის მიხედვით, აგრეთვე მათი ფუნქციების გაფართოების გამო,—ეს  
ორგანოები მოკლებულნი არიან შესაძლებლობას მთელის მოცულობით შეასრუ-  
ლონ მათთვის დაკისრებული საქმე,—დადასტურებულ იქნეს არსებული წესისა-  
მებრ აღძრული შუამდგომლობანი აღნიშნული ორგანოებისათვის 1928-29 საბიუ-  
ჯეტო წელს ასიგნვითა ვადიდების შესახებ შემდეგი რაოდენობით:

ა/კსფსრ მუშათა და გლეხთა ინსპექციის სახალხო კომი- სარიატს . . . . .	252.862 მან.
ა/კსფსრ ვაჭრობის სახალხო კომისარიატს . . . . .	28.000 მან.
ა/კსფსრ ცენტრალურ სტატისტიკურ სამმართველოს . . . . .	250.000 მან.

3. აღიძრას სსრკ-ის ცენტრალური აღმასრულებელი კომიტეტის წინაშე  
შუამდგომლობა, რათა ა/კსფსრ-თვის 1928-29 საბიუჯეტო წელს უზრუნველ-  
ყოფილ იქნეს საერთო-საკავშირო სახსარიდან შემდეგი ასიგნვები:

I. სოფლის მეურნეობის ფინანსიურად მოგვარებისათვის . . . 8.205.789 მან.  
ამ რიცხვში:

- 1) გადასახლების საერთო-საკავშირო მნიშვნელობის ღო-  
ნისძიებათა ფინანსიურად მოგვარებისათვის . . . . . 1.473.000 მან.
- 2) ამიერკავკასიის მებაამეობის კომიტეტის იმ ზარალის  
დასაფარავად, რასაც მიწების სასუქით ვაპატივების  
კამპანია გამოიწვევს 1928-29 და 1929-30 წლებში. . . . . 530.000 მან.

3) სტიქიურ უბედურებასთან ბრძოლისათვის . . . . .	750.000 მან.
4) ოთხფეხი საქონლის ჭირთან ბრძოლისათვის . . . . .	3.991.300 მან.
5) ამიერკავკასიის სავეტერინარო ინსტიტუტის შესანახად . . . . .	1.041.100 მან.
6) სასოფლო-სამეურნეო კრედიტის სისტემის იმ ზარალის დასაფარავად, რასაც სესხთა ჩამოწერა გამოიწვევს . . . . .	420.389 მან.
II. წყალთა მეურნეობისათვის . . . . .	13.209.200 მან.
III. აზერბაიჯანის სსრ-ში ბამბის მიწების სივრცის გასაფართოებლად საჭირო ღონისძიებათათვის—სამელიორაციო ფონდის ხაზით . . . . .	1.770.000 მან.
IV. ელექტროფიკაციისათვის . . . . .	9.440.000 მან.
V. ამიერკავკასიის საექს.-საიმპ. ვაჭრობის კონტორის ძირითადი კაპიტალისათვის . . . . .	1.000.000 მან.
VI. ვაჭრობის სფეროში კაპიტალური მშენებლობისათვის . . . . .	2.000.000 მან.
VII. მაკივართა მშენებლობისათვის . . . . .	1.456.800 მან.
VIII. კოოპერაციის ფინანსიურად მოგვარებისათვის . . . . .	274.000 მან.
IX. ბინების მშენებლობისათვის—ცენტრალური კომუნალური ბანკის გრძელვადიანი კრედიტის წესით. . . . .	16.500.000 მან.
X. კომუნალური მშენებლობისათვის—გრძელვადიანი ფინანსიური მოგვარების წესისამებრ—ცენტრალური კომუნალური ბანკის ხაზით . . . . .	2.845.000 მან.
XI. ტექნიკური განათლების ფინანსიურად მოგვარების საქმის გაძლიერებისა და პროფესორთა და ლექტორთა შედგენილობისა და სტუდენტების მატერიალური მდგომარეობის გაუმჯობესებისათვის—იმ სახსარიდან, რაც გადადებულია სსრკ-ის ცენტრალური აღმასრულებელი კომიტეტისა და სახალხო კომისართა საბჭოს 1928 წ. ივლისის 27-ს დადგენილებით; აგრეთვე ა/კსფსრ სახალხო კომისართა საბჭოს 1928 წ. ოქტომბრის 17-ს დადგენილების დასადასტურებლად . . . . .	3.977.090 მან.
XII. სახელმწიფო გამომცემლობათა ფინანსიურად მოგვარებისათვის—გრძელვადიანი კრედიტის წესით . . . . .	600.000 მან.

ზ. ამასთანავე ამიერკავკასიის ცენტრალური აღმასრულებელი კომიტეტის სესხია აღგენს:

I. აღინიშნოს, რომ სახელმწიფო ბიუჯეტის საშემოსავლო ნაწილში გათვალისწინებულია თვალსაჩინო ზრდა საკუთარი რესპუბლიკანური შემოსავლისა და აგრეთვე, რომ, მიუხედავად საქონლის ბრუნვიდან კერძო სექტორის ინტენსიური განდევნისა, პირდაპირი გადასახადების ზრდის ტემპი, 1927-28 საბიუჯეტო წელთან შედარებით, თანდათან მატულობს—განზოგადოებული, განსაკუთრებით კოოპერატიული, სექტორის სავაჭრო-სამრეწველო საწარმოთა ბრუნვის საღ ზრდასთან დაკავშირებით.

კერძოდ:

1) სარეწავი გადასახადის ზრდა, კერძო საწარმოთა განდევნით გამოწვეული ფინანსური ხასიათის დანაკლისის პირობებში, საზღვრითია.

2) საშემოსავლო გადასახადის აღრიცხვის გაძლიერებული ზრდა შეიძლება მიღწეულ იქნეს, უკეთეს სრულად იქნება მიღებული აზნავთისაგან მოსალოდნელი შემოსავალი და, საერთოდ, შესაფერისად დაძაბული იქნება საფინანსო აპარატის ძალღონე.

3) ტყის შემოსავლის აღრიცხვის შემდგომი გადიდება ყოველად შეუძლებელია.

ესესია ადასტურებს ა/კსფსრ სახალხო კომისართა საბჭოს სექტემბრის 25-ს დადგენილებას, მიაჩნია რა, რომ ეს საკითხი სპეციალურად უნდა იქნეს განხილული, როდესაც მოსმენილი იქნება ა/კსფსრ სატყეო მეურნეობის შემსწავლელი განსაკუთრებული კომისიის მოხსენება.

4) ა/კსფსრ სახელმწიფო ბიუჯეტის საშემოსავლო ნაწილი აღრიცხულია ისე, რომ ანგარიშში მიღებულია ყველა რეალური საშემოსავლო შესაძლებლობა და თითქმის გადამეტებითაც; ამის გამო საშემოსავლო დანიშნულებათა შემდგომ გადიდებას შეუძლიან ჩააყენოს ბიუჯეტი და მისი საგასავლო ნაწილი საფრთხეში, ე. ი. გამოიწვიოს შემცირება წლის განმავლობაში.


II. 1928-29 საბიუჯეტო წლის სახელმწიფო ხარჯების სფეროში:

1) აღინიშნოს, რომ ა/კსფსრ სახელმწიფო ბიუჯეტი აგებულია საინდუსტრიალიზაციო პოლიტიკის თანდათან გაღრმავების საფუძველზე და რომ ამ ბიუჯეტში უაღრესი ზრდა ეტყობა ისეთ ასიგნებებს, რაც გადადებულია სახალხო მეურნეობის ცალკე დარგების ფინანსურად მოგვარებისათვის.

2) საჭიროდ იქნეს ცნობილი, რომ ა/კსფსრ სახელმწიფო ბიუჯეტით მრეწველობის ფინანსურად მოგვარებისათვის გადადებული ასიგნებები მიღწეულ იყოს 23.542.900 მანეთამდე, რადგანაც მხედველობაში მიღებულია დაწყებულ მშენებლობათა დამთავრებისა და ახალ მშენებლობათა დაწყების უზრუნველყოფა; აგრეთვე ფინანსურად მოსავარებელია ახალ შენობათა კაპიტალური მშენებლობა, რასაც საექსპორტო მნიშვნელობა აქვს, რადგანაც ეს ახალი შენობანი საჭიროა მომკმედ საწარმოთა წარმოების ნორმალური განვითარებისათვის, განსაკუთრებით საშენი მასალის მწარმოებელ საწარმოთათვის.

3) აღინიშნოს, რომ ინდუსტრიალიზაციის გეგმის ფართოდ გაშლასთან მჭიდროდ დაკავშირებულია ელექტროფიკაციის სათანადო ასიგნებებით უზრუნველყოფის საკითხი—დაწყებული მშენებლობის განსაგრძობად და აგრეთვე მეორე რიგში მყოფ ელექტრო-სადგურების ასაგებად, რასაც კავშირი აქვს სამრეწველო გეგმის განხორციელებასთან.

4) სრულის საესებით დადასტურებულ იქნეს ამიერკავკასიის მთავრობის გადაწყვეტილება სოფლის მეურნეობისათვის ასიგნებათა თვალსაჩინოდ გადიდების შესახებ, რადგანაც აუცილებლად საჭიროა, რომ ა/კსფსრ-ში სოფლის მეურნეობის განვითარების ტემპი—რაც შეიძლება—გაძლიერებულ იქნეს, განსაკუთრებით ძვირფასად სანედლეულო კულტურების სფეროში.



განსაკუთრებით აღინიშნოს, რომ სწორე კურსია მიღებული სოფლის მეურნეობაში განზოგადოებული სექტორის (კოლ. მეურნეობანი, საბჭოთა მეურნეობანი) ფინანსიურად მოგვარების საქმის გაძლიერებისათვის და აგრეთვე მოსახლეობის უღარიბესი ნაწილის დასაკრედიტებლად გადასადები სახსარის გადიდებისათვის.

აღიარებულ იქნეს, რომ სრულიად დროს-შესაფერისია სახსარის გადადება ა/კსფსრ-ში სამი ახალი საბჭოთა მეურნეობის შესაქმნელად (აზერბაიჯანის სსრ-ში — ბამბის მეურნეობისა, სომხეთის სსრ-ში — მესაქონლეობისა და საქართველოს სსრ-ში — სათესლე-საჯიშო მეურნეობისა), არსებულ საბჭოთა მეურნეობათათვის ასიგნათა გადიდებთან ერთად.

5) აღიარებულ იქნეს ა/კსფსრ-ის პირობებში მელიორაციის განსაკრებელი მნიშვნელობა, რაც, ამიერკავკასიის ბუნების თავისებურობის მიხედვით, ძირითადი ფაქტორია სანედლეულო მეურნეობის განვითარების საქმეში, როგორც სამრეწველო-სატექნიკო კულტურების (კერძოდ ბამბის) პროდუქციის გადიდების მხრით, ისე მთლად სოფლის მეურნეობის ინტენსიფიკაციის მხრით; თანაც მელიორაცია ერთად-ერთი რეალური ღონისძიებაა ამიერკავკასიის აგრარულად შექმნილი რაიონების (განსაკუთრებით დასავლეთ საქართველოში და სომხეთში) ზედმეტი მოსახლეობის მიწის ფონდით უზრუნველსაყოფად.

აღინიშნოს, რომ საჭიროა განსაკუთრებული ყურადღება მიექცეს არსებული სარწყავი სისტემების ექსპლოატაციის საქმის გაუმჯობესებას. ამასთანავე, აღიარებულ იქნეს, რომ სრულიად სწორია ამიერკავკასიის მთავრობის პოლიტიკა, რომლითაც უახლოეს წლებში ყურადღების ცენტრი გადატანილ უნდა იქნეს ადგილობრივი სისტემების რეკონსტრუქციასა და გაუმჯობესებაზე, აგრეთვე ახალი მშენებლობის განვითარებაზე წყლის სატუმბავებისა და ქიაღრიზების დარგში, განსაკუთრებით საბამო დასახლებულ რაიონებში.

ამასთან ერთად ანგარიშში მიღებულ უნდა იქნეს, რომ წყლის ფაქტორს განსაკუთრებული მნიშვნელობა აქვს ამიერკავკასიის მთავრობის იმ დადგენილების განხორციელებისათვის, რომლითაც გადაწყვეტილია — მიმდინარე 1928-29 წელს ა/კსფსრ-ში საბამო მიწების სივრცის გაძლიერებული ტემპით გაფართოება. ამის გამო საჭიროდ იქნეს ცნობილი ყველა საამისო ღონისძიების სრულად და თავის დროზე უზრუნველყოფა.

დადასტურდეს ამიერკავკასიის მთავრობის ყველა წინასწარი გადაწყვეტილება გზათა მშენებლობის სფეროში და საჭიროდ იქნეს ცნობილი, რომ რესპუბლიკანური მნიშვნელობის გზების სარემონტო მუშაობისა და საერთო მანძილ-განფენილობის გადიდებისათვის გაღებული უნდა იყოს არა ნაკლებ 3.000.000 მანეთისა.

## 7. სახალხო კომისარიატთა ხარჯების სფეროში:

ა) აღინიშნოს, რომ საკავშირო მთავრობის დირექტივი სადმინისტრაციო-საგამგებლო ხარჯების შემდგომი შემცირების შესახებ ა/კსფსრ 1928-29 საბიუჯეტო წლის ბიუჯეტით შესრულებულია მხოლოდ ამ ხარჯების იმ ნაწილის მიმართ, რაც 1927-28 საბიუჯეტო წლის ბიუჯეტიდან გადმოდის (ახალი ხარჯების გარეშე) და ეცნობოს სსრკ-ის ცენტრალურ აღმასრულებელ კომიტეტს,

რომ აღნიშნული დირექტივის სისავსით შესრულება გამოიწვევდა ა/კსტსრ 1928-29 წლის ბიუჯეტიდან ისეთი ხარჯების ამოშლას, რაც ნავარაუდევია ა/კსტსრ საბჭოთა ყრილობის მოწვევისათვის, ა/კავკ. სახალხო მეურნეობის უმაღლესი საბჭოს მოწყობისათვის, სახალხო მეურნეობის უმაღლესი საბჭოს აპარატის შენახვისათვის (ეს წინა წლებში უზრუნველყოფილი იყო სამრეწველო საწარმოთა მოგებით), ნოტარიატის შესანახად საჭირო ხარჯების სახელმწიფო ბიუჯეტზე გადატანისათვის, შრომის ბირჟების ინსპექციის ორგანოების გაძლიერებისათვის, აგრეთვე სხვა ხარჯებისაც, რომლებიც გათვალისწინებულია სსრკ-ის უმაღლესი საკანონმდებლო ორგანოების სათანადო დადგენილებებითა და დაწესებულებებით;

ბ) რადგანაც ა/კსტსრ სახელმწიფო და ადგილობრივი აპარატის შემდგომი გაიაფება მკიდროდ დაკავშირებულია ამიერკავკასიის დარაიონების პრობლემასთან, აგრეთვე როგორც მთლად აპარატისა, ისე მისი ცალკე ნაწილების სისტემატიურ შესწავლასთან და რადგანაც, ამასთანავე, ანგარიშში მიღებულ უნდა იქნეს სხვა მოკვაშირე რესპუბლიკების გამოცდილება ამ სფეროში,—საჭიროდ იქნეს ცნობილი ა/კსტსრ დარაიონების მიმდინარე წელსავე დამთავრება, რისთვისაც უზრუნველყოფილი უნდა იყოს ა/კსტსრ შედგენილობაში შემავალი ყველა რესპუბლიკის ადმინისტრაციული დაყოფის ზოგადი პრინციპების ერთიანობა;

გ) აღინიშნოს, რომ სახელმწიფო ბიუჯეტში განგრძობილია გადამწყვეტი კურსი სოციალურ-კულტურულ საჭიროებათა უპირატესი დაკმაყოფილებისა და უზრუნველყოფილია სოციალურ-კულტურული ხასიათის სახალხო კომისარიატებისათვის გადასადებ ასიგნებათა მაქსიმალური ზრდა;

დ) რადგანაც რესპუბლიკების განათლების სახალხო კომისარიატების ხარჯთაღრიცხვების ზრდა ჰვლისხმობს მხოლოდ დაუყოვნებელ ღონისძიებათ, რასაც კავშირი აქვს არსებულ სასწავლებელთა ქსელის ფინანსიურად მოგვარებასთან და მათ ბუნებრივ ზრდასთან, აგრეთვე რადგანაც უმაღლესი სასწავლებლები საკმარისად გაწყობილი არ არიან, ხოლო პროფესორთა და ლექტორთა შედგენილობის მატერიალური მდგომარეობა ნაკლებად უზრუნველყოფილია, თანაც საჭიროა კაპიტალური მშენებლობის გაძლიერება,—აუცილებელ საჭიროებად იქნეს ცნობილი, რათა აღნიშნულ ღონისძიებათათვის გადაიდოს 3.977.090 მან.

8. რადგანაც ა/კსტსრ ადგილობრივი ბიუჯეტები ჯერ კიდევ საკმარისად მომაგრებულნი არ არიან და მათ ჯერ-ჯერობით მტკიცე მატერიალური ბაზა არა აქვთ; ამასთანავე ადგილობრივი საბჭოები იძულებულ არიან გასწიონ თვალსაჩინო ხარჯები კულტურული რევოლუციის მიერ წარმოშობილი მიზნებისათვის, კერძოდ,—საყოველთაო დაწყებითი სწავლების განხორციელებისათვის, აგრეთვე კულტურის დარგში მომუშავეთა (მასწავლებელთა) სამუშაო ხელფასის წინ წაწვეისათვის, იმიტომ, რომ ეს სამუშაო ხელფასი, სხვა მოკავშირე რესპუბლიკებთან შედარებით, დაბალ დონეზეა,—დადასტურებულ იქნეს ამიერკავკასიის მთავრობის გადაწყვეტილება—ა/კსტსრ 1928-29 საბიუჯეტო წლის სახელმწიფო ბიუჯეტში სათანადო სახსარის დატოვების შესახებ—ა/კსტსრ ადგილობრივი ბიუჯეტებისათვის დახმარების გასაწევად, განსაკუთრებით მასწავლებელთა სამუშაო ხელფასის ფონდისათვის.

9) აღინიშნოს, რომ ამ უკანასკნელი ორი წლის განმავლობაში სახელმწიფო საკრედიტო ოპერაციები ა/კსფსრ-ში თვალსაჩინო წარმატებით ვითარდება და თვითეული სესხის კაპანაის დროს საგრძნობლად წინ უსწრებს საკონტროლო დავალებათ; ამის გამო აღიარებულ იქნეს, რომ ა/კსფსრ-ში ინდუსტრიალიზაციის მე-2 სესხის რეალიზაცია 15 მილიონ მანეთზე გადამეტებით დიდი მიღწევა სახელმწიფო კრედიტის სფეროში.

მიენდოს ამიერკავკასიის მთავრობას მიაქციოს განსაკუთრებული ყურადღება იმ გარემოებას, რათა გლახობის მიერ დაზოგვილი სახსარი წარიმართოს სახელმწიფო კრედიტის მიმართულებით.

10. აღინიშნოს, რომ საერთო საკავშირო შემოსავლიდან ა/კსფსრ ბიუჯეტში გადასარიცხი თანხების რაოდენობის ყოველწლივ გადასინჯვის არსებული პრაქტიკა და ბიუჯეტის განხილვისა და დამტკიცების პროცესში ამ რაოდენობის შემდგომი შემცირება არღვევს კავშირისა და მოკავშირე რესპუბლიკების საბიუჯეტო უფლებათა დებულების ძირითად საფუძველს და სპობს შესაძლებლობას ა/კსფსრ სახელმწიფო ბიუჯეტის უდფეციტოდ დაბალანსებისას მისი აგების დროს. ამის გამო აღიძრას სსრკ-ის ცენტრალური აღმასრულებელი კომიტეტის წინაშე საკითხი, რომ საჭიროა დეფიციტიანი მოკავშირე რესპუბლიკებისათვის დამყარებულ იქნეს საერთო-საკავშირო შემოსავლის ანარიცხების მტკიცე ნორმები.

11. რადგანაც ა/კსფსრ შედგენილობაში შემავალ ცალკე რესპუბლიკებში, აგრეთვე ცალკე სახალხო კომისარიატებსა და დაწესებულებებში მეტის-მეტად აქრელებულია საადმინისტრაციო-სამეურნეო და სოციალ-კულტურული სახის ზოგიერთი ხარჯების საშუალო რაოდენობა (ერთი სტუდენტზე, ერთი პატიმარზე და სხვ.),—საჭიროდ იქნეს ცნობილი მიმდინარე წელს ამ ხარჯების ნორმალიზაციის განხორციელება უკანასკნელ წლებში მიღწეულ საადმინისტრაციო-სამეურნეო ხარჯების ჯგუფის შემცირებისა და ცალკე რესპუბლიკებში არსებული სოციალურ-კულტურული ხასიათის ხარჯების ფაქტიური ნორმების დაწვრილებითი შესწავლის საფუძველზე.

12. აღინიშნოს, რომ თუმცა 1928-29 წლის საბიუჯეტო კაპანია შედარებით ხელსაყრელ პირობებში მიმდინარეობდა იმ მხრით, რომ სსრკ-ისა და ა/კსფსრ უმაღლესი საკანონმდებლო ორგანოების მიერ თავის დროზე იყო გაცემული ყველა ღირებულება და განკარგულება ბიუჯეტის შედგენისათვის,—მაინც 1928-29 წლის სახელმწიფო ბიუჯეტის აგების ტენჯიკასა და ორგანიზაციაში მოიპოვება მთელი რიგი ნაკულლოვანებანი (ბიუჯეტის საკონტროლო ციფრების დაგვიანებით განხილვა, ხარჯთაღრიცხვებისა და მთლად ბიუჯეტის წარდგენის ვადების დარღვევა და სხვ.). ამის გამო მიენდოს ა/კსფსრ მთავრობას—მიიღოს სათანადო ღონისძიებანი შემდგომ საბიუჯეტო მუშაობაში ყველა ამ დეფექტის თავიდან ასაცილებლად, რისთვისაც არ უნდა მოერიდოს საბიუჯეტო მუშაობის ნორმალური მსვლელობის შემაფერხებელ პირთა და ორგანიზაციათა პასუხისგებაში მიცემას და მათ მიმართ საბიუჯეტო-საფინანსო საზედმოქმედო ღონისძიებათა შეფარდებას.



ლ. აღსანიშნავია, რომ სასოფლო-სამეურნეო კრედიტის სისტემის როლი, როგორც საბიუჯეტო სახსარის სოფლის მეურნეობაში გამტარებლისა და სოფლის სოციალისტურად გარდაქმნის იარაღისა, თანდათან იზრდება; ამის გამო მთავრობის ორგანოებმა ყურადღება უნდა მიქციონ იმ გარემოებას, რომ სასოფლო-სამეურნეო კრედიტის ორგანოების მუშაობაში ჯერ კიდევ აღმოფხვრილი არ არის მთელი რიგი დეფექტები; კერძოდ ყურადღება უნდა მიექცეს იმას, რომ:

I. საბიუჯეტო სახსარი სულ ბოლო საფეხურზე მყოფ მსესხებლამდე დაგვიანებით აღწევს.

II. საბიუჯეტო სახსარის ნაწილი ა/კსფსრ შედგენილობაში შემავალი რესპუბლიკების სასოფლო-სამეურნეო ბანკებშივე რჩება (გადასახლების კრედიტებისა, ლატაკთა ფონდისა და სხვ.)

III. საბიუჯეტო სახსარი არაპირდაპირი დანიშნულებისამებრ გამოიყენება.

IV. საბიუჯეტო სახსარი მექანიკურად ნაწილდება ქვედა ქსელს შორის, რელიურ საჭიროებათა ანგარიშში მიუღებლად და კრედიტების სეზონისათვის შეუფარდებლად.

V. გადასახლებაზე და მელიორაციაზე სახსარის ხარჯვას უმეტეს შემთხვევაში არა აქვს გეგმიანობა, ტექნიკური ზედამხედველობა და კონტროლი.

VI. ირღვევა კრედიტის პირობები: საბიუჯეტო კრედიტების ვადების შემოკლება, ამ კრედიტების საპროცენტო განაკვეთების გადიდება და სხვ.

VII. ქვედა ქსელში საკრედიტო დისციპლინა სუსტად არის დაყენებული.

VIII. კრედიტისათვის სოციალური მიმართულების მიცემის პრაქტიკა გამრუდებულია და დამახინჯებული.

მიენდოს ამიერკავკასიის მთავრობას წარუდგინოს—ა/კსფსრ ცენტრალური აღმასრულებელი კომიტეტის უახლოეს სესხიას მოხსენება—რა ღონისძიება იქნა მის მიერ მიღებული ა/კსფსრ სასოფლო-სამეურნეო კრედიტის სისტემის მუშაობის გაჯანსაღებისა და რაციონალიზაციისათვის.

მ. წინადადება გაიცეს—გაძლიერებულ იქნეს მუშათა და გლეხთა ინსპექციის ორგანოების მუშაობა ა/კსფსრ სახელმწიფო აპარატის შესასწავლად, მისი შემდგომ გამარტივებისა და გაიაფებისათვის.

ნ. შეუსაბამოდ იქნეს მიჩნეული, რომ ზოგიერთ სახალხო კომისარიატსა და დაწესებულებას პრაქტიკად აქვს მიღებული—ბიუჯეტ-გარეშე და სპეციალური სახსარისა, აგრეთვე საოპერაციო კრედიტების ნაწილის საადმინისტრაციო-საგამგებლო საჭიროებისათვის ხარჯვა, რაც ფაქტიურად აბათილებს საადმინისტრაციო-საგამგებლო ხარჯების 20%-ით შემცირების შესახებ გაცემულ დირექტივს. ამის გამო წინადადება მიეცეს ა/კსფსრ მთავრობას—გააძლიეროს ბრძოლა საბიუჯეტო დისციპლინის დარღვევის წინააღმდეგ და მოახდინოს ყველა ბიუჯეტ-გარეშე წყაროს დაწვრილებითი გადასინჯვა მათი გაფორმებისათვის.

ო. მიენდოს ა/კსფსრ მთავრობას—განახორციელოს 1928-29 წ. ბიუჯეტით 1927-28 წლის ბიუჯეტის საადმინისტრაციო-საგამგებლო ხარჯების შემცირება, რაც გათვალისწინებულია საკავშირო ორგანოებისა და ა/კსფსრ მთავრობის დირექტივებით და ბოლომდე შესრულებული არ არის.



3. მოისმინა-რა ტფილისის მუშათა, გლეხთა და წითელარმიელთა დეპუტატების საბჭოს თავმჯდომარის ამხ. ვანო ბოლქვაძის მოხსენება, სესსია აღნიშნავს ქალაქ ტფილისის ფინანსიური მეურნეობის მეტის-მეტად გაკვირვებულ მდგომარეობას და ადგენს—შხარი დაუჭიროს ტფილისის საბჭოს შუადგომლობას სათანადო საკავშირო ორგანოების წინაშე—ხანგრძლივი სესხის სახით 3.000.000 მიცემის შესახებ,—ქალ. ტფილისის ფინანსიური მეურნეობის გაჯანსაღებისათვის.

ამიერკავკასიის ცენტრალური

აღმასრულებელი კომიტეტის თავმჯდომარე ს. აღამალი-ოღლი.

ამიერკავკასიის ცენტრალური

აღმასრულებელი კომიტეტის მდივანი ა. შავერდოვი.

1928 წ. ნოემბრის 1. ტფილისი—სასახლე.

